



宋寶章閣直學士忠惠鉄庵方公文集卷二十八

詩

寄題永福董宰溪庄圖

羨君曾次有丘壑
眼底塵凡一洗之地
猷溪河供入
畫天私風月
要昌詩貴人
豈復知盤谷
名世應須學
武夷政恐主翁
方宦達買山
雖早入山遲

寄題董宰讀書軒

坐衙彈琴和且平
退衙讀書鏘有声
琴声書声兩相
和和氣化作花
滿城亦知言游
不可作雅俗
二者難

兼行曩余不敏坐此處軒窓塵土安有名堂前薇花
寂二嘆此殆文吏非書生君非異人何能尔吏事不
廢心轉清牒紛案聚判筆走庭空吏散詩句成嘗聞
歐公居夷陵日討故牘繙研精金陵宰勤政習礼天
津客已愁鷓鳴懷托尹君志古道請把此案為商評

挽趙南塘

初開學禁預招延俄滯周南四十年大振文詞驚海
內肯將訓詁讓儒先孤忠自許漢遺老高氣直凌唐
謫仙鳳昔覽輝今已矣危樓百尺尚依然

晚起蘇公以礼郎侍經掌制位文昌端平氣脉真堪
寄元祐光陰惜未長馬邑深憂形諫墨寫臺亭徒耻
書黃門生最是知心者追記微言泪数行

壽鄉守張秋閣三首

秋氣高寒公始生稟姿多得聖之清官箴未許水為
潔心事真堪月比明久合紫囊還再世却令皂蓋歷
三城憑誰盡紀前張政只聽村謠里唱聲
家學源流今吏師寬羨殊剖亦殊施豪宗咸服薤一
本野老齊歌麥西岐最課休声無地着芳名嫖節有

天知請將郡志送頭數高直達山更有誰
老去寓公為地主賸將息意與推顏龜魚浮蔭眠偏
穩鷗鷺忘机熟不猜方喜壘褒天下最又聞玉節日
邊來豐年一飽誰之賜好把禾頭祝壽盃

送俊明李提舉

有美羊城一鉅儒菊坡氣脉最閑渠村高懶宿郎官
被色養姑乘使者車曩日綠林功未賞今年清社事
堪書福星何事輕移去久矣世無公毀譽素甚聯臺
餘五月戶庭微細事皆知山中菊徑夢歸思膝下萊

衣少晚時吏散庭空無滯牒客來酒盡只新詩耳聞
眼見誰虛實寫共行人作口碑

時賢落：甚晨星世事如棊局又新赤白文馳邊面
急腐紅銷盡國中貧誰令野有橫舟者應是朝無惜
寶人握手不堪離思滿願公自愛廟堂身

送廣東趙舫使

百禽收舌後一鷗凌清秋滄波渺浩蕩中有萬斛舟
劫灰燒不盡宗老擅風流典刑尚千載雅興根九疇
忠憤疏中壘功名起武侯載彼北方學來為南國游

臙風痛洗濯
蚤倍賴懷柔
偶然得聯事
願影豈其儔
逢迎時一咲
傾吐不復留
抵掌說西事
強顏媿楚囚
見晚別何早
含情酒澆愁
惟有加餐祝
作歌住行輒
有詔願亟起
且莫事鋤耨
顧我何為者
一毛在九牛

送李兄赴省

乃翁場屋負高名
裏許工夫共講明
謝氏弟兄輝玉樹
韋侯父子薄金籬
世科莫訝爭寒暖
少作曾看到老成
此去親傳衣鉢在
想非溫飽志平生

宋寶章閣學士方公文集卷二十八終

宋寶章閣直學士忠惠鐵庵公文集卷之二十九

記

南劍州州學造祭器記

為南劍州教授時作

後三代千餘歲古祀廢文物不與耳目接
後儒模倣其形制圖而出之故器僅存然太常故府之藏非士庶所得見
郡邑幸有社稷風雷之祀臨期滅裂以吏送事見者殆為唯中春秋先聖丁禘先期之三日
蠲學館滌器具羅而陳之堂上下俾矜佩肄習士生千歲後及識先王彝器者獨賴有此所在多襲聶氏

禮園安於陋而莫知其非豈獨延平執此朱文公紹
熙申請之書所為作也屢請而後可既頒而未遍學
者未之盡睹長吏疇肯為意所謂僅存而猶及識者
又未必中程否嘉定壬申三月晦某來倚席益深病
之越再歲甲戌三衢晉侯應祖眎局事三日既謁先
聖出示此書則公之子司農丞所授也某捧歸直廬
歛衽竦觀制度精密氣象淳古則不接于耳目者已
宛然在前回視舊所藏器舛駁駝雜無以議為亟請
更之得四十萬金按書製造如是而豆籩如是而簠

簋為俎為尊為爵為玷為壘為洗為鬲為登為槃勺
巾篚大畧已具先是得請于今使天台劉公允濟
未解郡綬日捐金亦四十萬撤新殿宇及是甫畢役
而器亦成則乙亥二月丁前也行事禮文前此循習
有畔於書者據於是正毋敢不如儀祭服書所不載
謹按淳熙編類式敝者改闕者補金費前之半又逾
月成而獻官執事始備諸生喜甚曰俎豆之事吾嘗
聞之矣蓋而今而後得見之也侯聞而語某曰器未
也後世視為古物而想像其典刑自當時觀之俎豆

直飲食具耳夫子戲而陳之何謂軍旅護以未學而
以是對則器用之末而學寓焉諸生其毋忽其退而
申語之祭以教敬器以藏礼折旋進退之頃各物度
數之微非直為是觀美也目擊先王之器神馳古人
之境由粗達精自微觀妙以此成德以此通性命之
理侯之所謂學者其在是歟咸曰然抑犹有慮焉愛
羊所以愛礼自不愛者而言則歲兩日用耳已則為
芻狗然則洗濯之不精出入之不時有轉而不歸者
性尚可鑒今幸漸備而制作之功宜於存久此固某
所甚愛者然去是矣有戒于學者宜相與愛之俾勿
壞若夫增益之則在後之人

袁州中和堂記

德進乎學學進乎思思者何一動靜語默必中乎道
一服食寢息必中乎道曾子之日省顏子之不違
渥姬公坐以待旦無仕止勞遠皆此學也俄頃弗思則
失之終日弗思則滋失之兆於毫芒差於燕越思之
不可已也如此况乎畫千里而候所接愈繁所應愈
難忘心乘之則弛輕心乘之則沆恚心乘之則躁喜

心乘之則浮或懲而病於畏或激而病於烈其害政
孰甚焉袁刺史滕公之為郡將三年如一日也靡矯
亢以近名靡姑息以惠姦士民安之以廉平称然於
致知力行之功惟恐未加廼闢堂之東序更為堂燕
處其間以思所學以祛前數者之害會有詔予部
都褒以中和公既恪拜命忻然領會於心曰此某所
願學也敢再拜扁之于堂用昭君賜或曰茲堂之名
豈亦漢人歌樂職之意乎噫漢儒知經而不知道其
說謂經可以飾治曰飾云者外而非內也豈足與語

自及之學哉中和一理也中立則和寓焉人能察於
危微之間及於精一之初雖堯舜可為天地可建彼
漢儒何足以知此升公之堂曰公之學本之於中而
達之於和可乎公金華人名強恕每言自備其得之李面壁于
今所扁相為發揮然不建堂于守表之初而建以遺
後人不掠美於一己而思與來者共之其用心可謂
宏矣或者又曰公之政之學之心我知之矣敢問充
此學發此政養此心者當何如曰誠

余友尚書郎鄭逢辰以書來曰先公卜廬西郭瞰湖
枕山有圃有堂盡得湖之勝處獨憑危眺遠之景未
境也暇日與客登山望山步愈峻眼愈高有橫乎其
前者方山也峭而聳如植圭焉填而舒如隱几焉飛
靜而莊重如端冕焉立焉倏然起敬竟與心會於是
作亭以面之採元子愚圃之意扁曰愛方友人潘君
物筆也子方姓也其為記余異時舟行過山下繚繞
縈迴凡目之所向者皆方也又嘗登巖譙而望之則
見其體勢雄抗若抑就平夷而產隅分明畧無阿附

意喟然嘆曰此長樂之得為會府而端人正士之層
見非地靈歟今君表而出之括要領竒日與山對古
松蒼鬱相期歲寒其諸異乎世俗之愛者矣或曰君
何愛於是乎材以通於時為賢智以周於事為貴若
夫世將動而我固靜人皆行而我則止此兩生所以
見詆於叔孫汲黯所以見哂於張湯也雖然君子出
處自有定法而成與否不與焉封呂之事雖濟終不
若廷爭之為正輔曹之仁雖顯終不若依漢之為順
世之病方者每曰僻曰泥曰不達事情則亦止於僻

於泥於不達而已惡是名而思有以反之則為將順
為詭隨為逢迎客悅始曰送一時之權而其究乃至
禍人之家國毫釐千里之間固不可不精思而熟講
欽易曰義以方外行而宜之曰義則方非不可行之
謂孫卿曰五寸之矩可以盡天下之方莫大于天下
而矩能盡之此繫矩之道則方非執一之謂古之人
守道據義窮以立身而教明達以事君而澤行未有
不固此方者而又奚病君慷慨喜論事余同朝日所
敬既不得久居中或謂其宜毀方以求合而所愛顧

蓋是余與庭堅尤為世所患君特以其姓名偶合於
山不鄙而辱命焉繼君許之山其許之乎自念菟裘
待老文游息絕無由命駕攜杖送君子斯亭故具論
夫處而能全其方者之為難也出而能不失其方者
之為尤難也高山仰止景行行止君與庭堅登臨之
暇試共講焉嘉興三年三月望日

宋學士忠惠鐵庵方公文集卷二十九終

宋寶章閣直學士忠惠鐵庵方公文集卷之三十
文

將邑丙戌勸農文

今歲前入境所至聚落父老出迎度其意望令不淺
令亦有欲言者今何幸與汝農相勞若于郊共語心
腹事环邑皆山層高而田尺數寸墾耰鋤艱辛竭地
之力僅足自食輸官之餘糶不出境令念汝農用力
勞而收效寡也涉春夏雨独甲子晴乃驚蟄浚霆声
應期令為汝農喜有豐稔之兆也種必時培必厚畝

必修泉必築織悉微細令之知不若汝農之知之深也。是不待勸絕^旁撓^旁載^旁追呼折強梗令不敢有一毫妨汝農毋游惰毋閉訟毋屠販毋冒禁農其謹勿自妨。願有關人道之最大者令事之初首以孝悌輯睦為汝告。今再以朱文公註解孝經庶人章併刻。亦汝汝能服行受用無窮人事既盡時和自應倉箱盈止。室家寧止然後知令言之不汝欺。

將邑丁亥勸農

連歲以稔告去歲不獨粒米狼戾允茲麥蔬果之類

皆稔令竊自喜意吾邑独然已而聞他邑亦然他郡莫不然此蓋國家之洪福也抑上天勸相我民令何力之有尔幸以身與家需食其間願何以為農謝且為農勸趣耕^也稼出入阡陌不能如古長吏然閭閻田里間事無一日不接吾前與人之子弟言必曰孝曰友與人之族黨言必曰和曰息與人之主佃言必曰貧富相依索者毋太輸者毋失期以至飲博盜據鬪訟屠販妨業等事必切之于言朝夕之所施行者無非勸^勉非特去歲春秣出郊兩勸也今鵬前三白互

春即雨天相我民未艾今為民喜亦未艾父老來前
停杯審聽更相告語益勤迺事有年屢書必然之理
謂言不信有如此酒

將邑丙戌秋勸種麥

勸農于春著令也秋既半吏以勸麥告此古者斂時
也今何事與汝農周旋阡陌問汝之種麥之利乎青
黃未接以麥為秋如行千里弛擔得幾秋禾則主佃
均之而麥則農專其利汝知令之喜乎五風十雨膏
澤不禱而自應粒米狼戾市價不抑而自平父老謂

前此未有令何德以得此汝知令之心乎令生長海
濱賦平鹽賤今邑民輸納不甚輕又官鹽之價不啻
數十倍心復惻然若月解僅足稍可以寬民者無
不為汝猶記今今春之言乎飲博鬪訟屠販皆足妨
業方尚氣貪利時嘆俛首南畝者為拙及抵于禁田
荒財費視前日之前指指嘆為拙者倉廩實而室家
肥所獲為多訖今早禾既穫晚禾既堅可謂樂歲父
兄子弟更聽令言毋偷安勤則不匱毋耗蠹儉則足
用毋年爭和則致祥益修人事以迓續天休於無窮

簫鼓賽田神雞豚燕同社非獨田家作樂令亦與有
喜色庶幾吾邑不虛得樂郊樂土之名

宋學士方公文集卷之三十終

宋寶章閣直學士忠惠鐵庵方公文集卷之三十一

序

方氏族譜序

方氏之先出於神農始得姓者曰雷神農八代孫固
帝榆之子也相黃帝伐蚩尤以功封方山食其邑因
氏焉子孫以世相傳明典風力並驅回逆雷澤之遊
贊又洪水在夏曰相勅績中興佐周者叔曩見於秦
賞典望典陽見於漢世居河南有曰絃者遭新莽亂
遇江宅吳自是江左之方悉祖於絃生雄為司馬

府君雄生 儲侷倏 和帝時候 負文武材 辟三公不就
高蹈茅山 侷仕至南郡太守 儲位歷太常卿 黜縣侯
有張文臣為之碑 自淖姓以來 其見於文字者如此
侷倏之後 無聞 儲生 讚之 觀之 弘之 皆當世知名士
讚弘子孫 星居江浙 本祖 琬 乃 觀之 之後 中間世次
莫詳 則譜不存 之過也 琬仕唐為都督府長史 一子
殷符為威王府諮議 統兵平巢 改銀青光祿大夫 兼
御^史中^史 則僖宗中和四年也 中丞之子 七 其三 甲
世有曰 某為戶部侍郎 其子官於徐 因家焉 者有曰

某守潭州 湘陰簿者有曰 廷滔 官至尚書左僕射 子
孫家于江州 者 吾祖 廷範 為温州平固尉 歷宰長溪
古田 長樂 縣 遂卜居于泉之莆田 為聚族始祖 則中
丞第三子也 雖累贈金紫 而所宰三邑 皆閩地 父老
相傳至今 猶號為長官 蓋唐李倣 擾長史 中丞子孫
各家於其官 長官既定 為閩人 愴念故地 藁葬祖父
以寓松楸之思 今烏齊 典豐田二穴是也 長官葬靈
隱山 雖仕閩 猶為唐官 至六子 則王氏之闈矣 仁遠
水部 負外郎 仁岳 太中 秘監 仁瑞 秘書 省 著作 郎 仁

遜大理司直仁載 礼部郎中仁遠 秘書省正字今繪
像于廣化寺之薦福所謂靈隱長官六房是也方五
季亂所在分裂豪傑無以為歸各仕於其國長官六
子適值其會迨宋龍興獨之仕於其國者相與歸仕
於天子而長官之子孫彬々輩出聯翩高第參錯要
路遂與中州名臣抗衡而長官之後始大今其來者
各求以功名自見於世方與而未艾也故合天下之
諸方不如莆之盛合莆之諸方不如長官之盛枝葉
蕃衍冠冕輝映所在克勳况半于莆詰其從來俱出

六房六房之出則一長官也噫由一人之身而至于
以百計以千計蓋將以萬億計而未止亦可謂盛矣
然人之情少則易親多則易疎吾宗最以多稱固有
一族之居五服之近慶弔拜跪未及廢卒然邂逅熟
視而揖則其疎且遠者相值于塗憧々往來不相熟
固固宜噫由一人之身分而至于塗人曰塗人者利
害不相及之謂也不相及猶可也推其薄將有不得
為塗之人者吾用是惧此族譜所為作也得吾譜而
觀之猶觀水為大川三百支川三千或流漫而愈長

或潛匯而滋浩或委蛇委折已微而復大或不安其所潰溢而四出公流究竟則同出于崑崙之區黃河之原有本者如是夫凡今之所以相視如塗人者貫穿聯絡同自一脉中來觀吾譜者尊祖睦族之心可以惕然而生矣遠則難合多則必散勢也勢吾末如之何要之人人不可無此心也以孝弟之心相往來則宗盟篤矣風俗厚矣吾祖心也猶吾心也將奉宗人之心皆然有不然者獨彼何心大琮竊慕古之賢人君子皆能自序其先世筆史者亦為標之於其傳前

華有自作譜例載之家集：行于世譜亦隨之其先豈能皆賢蓋其無所聞知隨世磨滅者多矣以無所聞知之人而得以輝煌于史冊著見于文集有所附以為不朽之傳則賢子孫之力也顧其同時之人豈無自序自譜之作而史之不傳集之不行則遂泯焉為人子孫者勉之紉前輩曰立法以為譜學者事也蓋以責子孫之好學者吾知勉而已知盡學者之事而已安能逆料其不傳不行而遂已紉需次之隙搜尋舊譜纂次昭穆推而上下之則知源流之所從旁行而

列之則見子孫之多寡來者從而續且補之則可以
至於無窮而不亂長官子孫必將大有興者安知其
不傳且行也凡吾族類相與勉之也

典盡工黃本軒序

造物之生斯人也吾意其甚勞而不切方其分布耳
目鼻口也不知若為而耳若為而目若為而鼻與口
目則引而長之耳則翼而聳之而其數皆偶而隆之
則為鼻方之則為口而其數皆奇而鼻又居奇之偶
皮聯於膜：聯於肉：附於骨：牽於纖悉瑣碎有

類見戲何為者邈逮夫靜而思之細而睨之四肢百
骸各有攸當視聽言動闕一不可若移鼻於口移口
於耳移耳於目若漢足而手之頂而踵之則非人類
矣造物者至此又若差巧而可嘆本軒所遊之藝方
其執筆諦視運思而未獲也殆類於造物之甚勞而
不切者至其落筆風動又幾於造物之差巧而可嘆
者是各一枝也然而造物之創斯人也均是耳目鼻
口也而老少妍醜之不同今世之人或老焉而自少
之或醜焉而自妍之一不當意則曰我貌不然又曰

其然其不然嗚呼是必摠子房而七尺傳子瞻以公
華而後云可也本軒儒家苗裔必將默領於斯言雖
然又豈特為本軒歎哉

宋學士方公文集卷之三十一終

宋寶章閣直學士忠惠鐵庵方公文集卷三十二
題跋

跋方詩境叙長官遷莆事始

大琮曩見鄉人允諸姓誌墓者皆曰自光州固始來
則從王化入閩似矣又見舊姓在王氏之前者亦曰
來自固始詰其說則曰固始之來有二唐光啓中王
審知見茅自固始携諸姓入閩此光啓之固始也前
此晉永嘉亂林黃陳鄭丘王何胡八姓入閩亦自固
始此永嘉之固始也非獨莆也允閩人之說亦然且

閩之有長材秀民舊矣借曰衣冠避地遠來適來一
處而必曰固始哉况永嘉距光啓相望五百四十餘
年而來自固始前後昭合誠切疑之及觀鄭夾漈先
生集謂王緒率光壽二州以附秦宗權王潮兄弟以
固始之衆從之後又綴按二州之衆南走入閩王審
知因其衆以定閩中以桑梓故獨優固始人故閩人
至今言氏族者皆云固始以當審知之時貴固始人
其實非也然後釋然知允閩人所以牽合固始之由
嘉定辛巳遊宦江西有清江同姓人携寺丞叔所轄

長史自固始遷莆之非曰此寺丞客清江日所傳也
因念此編不待之族長而得之他鄉其為寡陋甚矣
益知長官因官于莆遂家于莆犹在唐世援據明白
其為祛惑信矣敬錄于前

述莆方三派聚族

莆之方其派三吾長史一派自長官始居于刺桐巷
曰方巷今日朱紫坊次房秘監在島析為留橋為後
隆為下坊為瀨溪為南門外長房員外有通潮者既
歸而居後塘第三房著作居朱紫坊前亦有居留橋

者第四房司直舊居義門關下曰方倉第五房禮部
居後塘三子侍郎光祿寺丞皆在焉蓋北自河邊諫
議所東至後隆其間曰後塘曰烏石曰後埭前坊蘇
巨不斷大拉烏石山前居其大半第六房正字居後
塘之觀後其散而他出者所未論此長官六房而唐
長史琚之後也此外如白杜一派其譜以為唐末名
閔之後或傳以為長官遺腹子聞前此長官有吳溪
唐序昭穆者更當考如方山一派析而為大松之鳳
冲為山屏為叱石為伯俊今城居之東宅學前則自

鳳冲出城外之上坊則自伯俊出就井則自叱石出
其他更多皆唐泉州長史叔達之後也三派之譜皆
以統為遠祖雖世系昭穆不可推要必同出一源蕭
衣冠大姓非一然彙典編戶之姓同而有非所能雜
者獨吾方姓不甚見於農工商之版其達且溫者各
以家世為念而其貧者犹能保其為士人之象以待
其與此所以為入閩三百餘年之貴姓而犹有望於
來者也

記後埭福平長者八祖遺事

長官金紫公唐季入莆居刺桐巷今朱紫坊之方巷
是已其第五子礼部公仕于閩自方巷來卜居烏石
山前之後塘蓋三子皆在焉曰侍郎曰光祿曰寺丞
入本朝皆以子貴光祿之長子都官公為慶曆望郎
都官所乾道卒後最昌都官曾孫三十八人今其尤
後毀而未復蕃而昌者福平長者公也長者崇寧乙酉自後塘出
數里下居後埭是時後埭四姓錯立陝西唐末葦陽
國後吾宗少監長子保定皆一二百年尺寸不遺力
之子以天禧後乘後隆其中間氣脈厚而基趾寬皆諸姓日所經行之地獨

。留以待吾福平之來豈偶然哉甫二甲子崇寧乙酉
定康寅九乙百傳世七自福平祖廳一今十不啻聚
二十有六年族之盛視他姓過之既而後塘舊居福平長子吳左
公諱愷析二子復往居烏石塘埭相望氣勢漸連接
福平之慶益大子孫知其植產之厚而忘其勤勞知
其種德之深而忘其事跡雖知其勞與其事之一二
而忘其歲月之始末及今尚可推久則寢忘之矣福
平諱祐字天貺一字以長者稱于時嘗見族黨長上
傳為丙午生享年七十二迨嘉定辛巳龍坡叢祠再

修神像於中得福平仲子白爨公諱愷捐金造像一
既父某丙午四月初一日寅時生行年六十九以至
白爨二子和劑局南安丞年月皆具時紹興四年甲
寅九月也以此推之則丙午之傳不妄而享年七十
二亦誠可信是生於治平三年卒于紹興七年丁巳
七月初二日又見滎陽長上道朝議公後隸諱琳元
知邵武軍事
道之以女事福平岳歿獨以此婚單薄為念始疑其
言之過近得嘉祐八年壽宮公五子分帳觀之僉判
享年淺王氏妣叙樓藏書增益先時都官承先世積

產十貫僉判房得十之二子舍共增產十貫僉判房
居十之八是本房共十千之產王氏之勞居焉然析
而為四子則漸少而二府君居次又析而為三子則
益少而福平公居次往之不及千金之產謂之薄亦
宜未幾日增月進至四十千四子復倍之又見閭巷
長上道其所以得長者之名恭約而好礼嗇已而厚
人高價買產賤價糶廩值歲荒則傾困無吝色又童
幼時見楓嶺故老犹能道當時最愛旁溪之清迤邐
囊山之上置倉于此下塋于此施行人湯水于此每

幅巾野服徜徉道旁野叟村童歡喜出迎曰長者來
矣飢食寒衣病藥死棺人々滿意衲子持趺以橋道
寺宇請者靡不遂其求凡得於傳說者如此今其尤
足稽者所事題梁崇寧四年乙酉歲是自浚塘迁居
浚塘之前方年才四十延壽橋石梁方某同室鄭氏
九娘施五百貫迎仙橋石梁方某施二百貫兩橋刻
石皆建炎元年丁未歲時年六十有二林泉院宇題
梁五百貫紹興三年癸丑四月時年六十有八氏名
與歲月之見于題刻者如此天慶後殿題梁三百貫

囊山碑刻三百貫光孝之大藏與其漢羅宇題梁各
二百貫栖隱三百貫施水庵梁施錢十萬又捨庵基
又買庵田雖歲月不詳而氏名之見於題刻者如此
以至崇聖繼善一帶諸刹之梵像多長者所造又有
持神主舊題相示知鄭氏甲辰五月二十七日酉時
生是為治平元年其諱以四月二十七日而年不具
延壽橋所謂同室云者則長者六十二之時鄭氏六

十四尚存福平山

歐陽四門唐集遊蜀門寄林蕙詩
云村少如延壽川原似福平自注

云福平即余別墅蕭比事云福平在郡西北之壽藏
二十里一名北平則曰福平者拋四門集也

長者自卜吳左公董役斗山公諱恢奉三兄舍筆於
庵云紹興改元辛亥臘月三日丙寅與役明年正月
告成十七日己酉奉母鄭氏以葬時長者六十有六
推鄭氏之享年其在六旬有六~~八~~之間乎又六年而
長者下世及今九十四年合六代子孫餘二百人將
千億而未止遂為前方始祖然則世之以智巧漁獵
貧弱以為富者豈能有成縱暫成豈能如是之久且
速哉和劄公諱萬遺藁有云十四五歲習讀時每至
已所不欲勿施於人大父輒語之曰此吾平生受用

得力處小子識之嗚呼仁哉長者之言也艾軒先生
集中有挽方天貺詩其一云長者雖云歿流風尚存
宗盟修里巷家法在見孫艾軒甫大儒以長者稱吾
祖蓋取時人之所共稱者稱之而宗盟家法之語亦
以吾祖所以望後人者言之皆纪实也長者上接累
世簪纓之傳下衍百世詩禮之澤子孫滿前督教不
倦子四人吳左公有聲鄉校將貢不果而能以長兄
助其父課子弟於學夾漈先生深嘉之
見夾漈瑞溪丞
公諱三衛子第首預鄉書長者喜甚南安丞第十孫與長

者同疏則孫十一人皆當見之紹興甲子鄉薦二又
十五年己卯薦六二遂登甲辰進士第文字之祥始
兆於此曾孫三十人淳熙丁酉甲子癸卯七年三詔
薦者七登第二特奏一漸趨於盛矣玄孫五十三人
甫十預薦其才品最下偶脫場屋居昆仲先而真才
碩能所望以張吾軍者猶未易量來孫八十餘人預
薦者甫一二見七世孫又將說々矣吾輩幸為長者
子孫而不知其起家之意可乎曰長者何也以其厚
者言之也福平天資有厚而無薄故見之事皆然以

此善其身以此延其世碩資不能皆然必學以補之
孝弟忠信厚之基也講精行到宗族愛之鄉閭信之
鬼神祐之薄者反是狡刻傲妬遂其偏而甚之非薄
人也乃自薄其身而忘其祖惟讀書知理義者則無
是患矣為其厚而不為其薄其居為善人其出為名
人將世々不失吾長者之本意因閱譜系既裒集長
者遺事而復推明其意以示之後人

方氏仕譜誌

闕第進士自歐陽詹始昌黎語也唐史因之然前一

年有林藻矣林歐俱莆人是時莆特唐清源一屬邑耳而擢第為七閩的後百年間聯翩不絕唐季吾方氏始來值五季世士墮在偏方不得策名上國者餘四十年故方未有繇是選者宋興二十年矣遐陬僻壤爭相貢士以與中州之士並驅而先而莆以未克還職方獨不得貢士氣鬱甚太平興國三年陳氏奉版籍以歸莆陞為郡士氣百倍預選者有人天下之視莆隱然若一大都吾長官子孫亦可以備磨礪振迅出為世用矣獨以廟學未立無師承為郡闕典祕

監之子儀以布衣間闕萬里俯伏闕庭慷慨上書名動京師咸平改元有詔立學儀傾家資以助族人送之者翕然河南氏之氣始吐二年儀遂與弟能送子謹言始克卒茂才京師復拜疏于朝請大其址京人曰此獨之伏闕請立學者而今復與其弟侄俱來矣三年學成河南氏之氣始張儀遂以是年與謹言聯名擢太常第豪傑之士雖無學校猶與夫豈不能自奮收一第而切於立學如營私計其愛邦人子弟深矣則莆之有學自吾方氏始太平興國後郡擢第者

間一二見然未有登甲科者謹言一奉中的越再詔
謹從躡之昆仲俱以甲選為菑唱邦人榮之菑之視
方隱然若一敵國儀止著作而孝宮之祠與郡相終
始謹言徜徉諫坡風來稟謹從標表學館徧儀清
貫聲名翁明道景祐間遂與中州名臣抗衡而天
下知有長官子孫矣方之入菑始鬱於五季復隔於
陳氏懷才抱藝而弗克逞以至學成之歲是惟無出
出則聯翔而高擢焜燿海內之睹聞嗣是橫飛捷出
合力鏖戰策勳上都他邦歛衽亞殿魁者有人奏賦

為南宮高選者有人或通榜而兩三人者無慮數十
忝錯鵷行盤旋要路不特以科第自見或以故聲聞
或以德望著或以文章傳或以名節顯人人自奮各
求以勒名青史自見於不朽蓋不獨進士一途而已
猗歟休哉吾大父和劑萬以一經名堂實藏書萬卷
謂姓名漫漶弗紀將軼立仕版於堂楣以進士標其
首特奏次之世賞又次之封贈又次之高伯祖岳陽
史君擴之深以泮礪望後深以泮礪望後學蓋紹
興二十八年戊寅也版成之二年而大父策名其間

版載登仕籍者百二十人距今五十年彬、輩出版
溢矣矣來者無以容欲更大之未果姑取而列之譜
系之後既首述吾祖所以擢第之由復推廣伯祖所
以責望之意吾祖積善種德以積子孫餘三百年詩
書有種公侯有種本深根深其發暢也易然非孝不
足以承之不學則典義穢何異暴棄枯燥為家庸子
而失其所以種來者戒乎哉雖然孝者何記誦多而
已乎詞藝精而已乎科筭華其身而已乎要必基以
忠孝克以留識自其師友講習無非君民事業則其

出也光明俊偉為國聞人而後得其所以孝來者勉
乎哉必如是而後足為子孫

跋建陽趙寧羅源常寧二譜

余逐於朝適建之建陽野無惰民間其大夫曰趙君
也至其室無留訟意其必有奇策他巧與之語平易
近人而已何其局之熟而政之不煩也出福之羅源
衡之常寧二譜相示羅源三年村海濱祇有恩常寧
又三年拊定峒祇益有恩至建陽則三為尹矣其熟
而不煩也固宜縣與民最親更兩縣乃入倅國朝成

法也今湏入雖三年而資序之說猶不廢若滿選不
令者再則班改後免湏入又近制也士大夫指邑為
債為湯火有始入縣齋粘每歲之月於壁者了一月
則句去一月唯恐脫之不速也君非再備選今應可
免之制乎可免而不求免非癡乎其必有以也世以
縣為畏、愈甚者脫愈欲速心公而政乎又以其勤
苦者為之惻怛者感之民亦豈忍以其不肖者應之
何畏焉此君之所以不憚煩也此非一朝夕之力也
孔門使弟子宰猶曰比及三年可使足民曰及者幾

及之謂也曰可者僅可之謂也今湏入之法浸壞有
班下營遷者有甫至官改辟者古惟彭澤八十餘日
解去若密令數年後化益行其久可知今人銜材舞
智於俄頃間謂足以自見矣以久勞為其去為靖節
乎余未之見也其材有過孔門之高弟乎有過褒德
侯乎余未之傳也其伸君者非久乎雖以久而伸亦
以久屈君之屈民之伸也民伸矣君之志亦伸矣其
屈者外物耳必將有伸之者余年二十負笈道建陽
白首往還恰三紀所聞見十六七令曩在江西見西

山先生稱行之儲君不離口近余友潛夫劉君去邑
老稚擁車不使去至今經過猶然則民之應之者何
如尔西山所亟稱也君慕二賢者惜不遇西山品題
而余何足以定之故表其久而信者以愧世之不安
於為令者或曰子不及三年乎余兩試邑皆年餘以
憂去每恨及物之志未遂既免喪就有請銓曹謂成
資後惟以理去者可免雖請不聽然則君之得伸其
志於民者余所愧也亦所羨也嘉熙元年九月二十
日莆田方某書于護溪閣

跋杜正甫藏西山帖

西山先生學問道德為百世師而性雅不喜書然其
片詞半簡為世珍愛如此學者僅因是有所感激焉
則周程燈印思耐陸續若唐碑晉帖東置高閣可也
余於是有所知正甫矣淳祐新元辛丑春中後五

跋朱文公二帖

余久聞覺軒蔡君名至建安屢遣幣迎之不果來今
復有行役過其亭花木泉石幽閒澹靜俯仰久之嘆
曰為文公先生學篤信力行三世不墜者獨此一家

耳既又得敬觀先生所與二帖可以想見一時節友
親愛之厚覺軒岐巖風成有受道之負也今年過五
十氣貌溫雅盡屏萬事沈酣師書隱几面壁而怡然
自得意有出於世味之外是真有進於所謂覺者可
敬也淳祐初元至日莆田方某敬書

宋學士方公文集卷之三十二終

宋寶章閣直學士忠惠鐵庵方公文集卷三十三

祝文

呼樂謁先聖

民民社之難其寄在聖門已然矣其以至拙之才而治
不易為之邑然學道受人吾儒根本時異世殊要之
此心不可一日無也苟銖寸及人庶我無負吾先聖
之訓

赤松靈虛真君

邑之秀在玉華真君位焉相傳為神農雨師靈祐

宰斯邑有禱必應今並列閣上邑人飲食必祝其才
涼德薄不敢私禱于祠下願雨暘以時無替相斯民
之意則令與拜賜

靈祐公

令斯邑者不知幾人惟公血食不替遂為一邦司命
生息必蕃雨暘必時其愛斯民甚矣某不才踵遺躅
於百七十年之後方將求庇於公敢不体公愛民之
意

蒼龍廟

邑治之東偏離更在焉而神實位其中夫豈無意邑
以鹽為命輦運欲其速厥積欲其富場售欲其泄三
者如意則邑立矣邑立則神其永血食矣

土地

某載閱圖志祠與縣治同經始且據邑山高處今又
與縣治俱鼎新某輦親就養于此舉首見祠必起敬
焉神之庇邑人固矣願庇令之親以及其身與其家
令其豈敢忘報

謁嵩山墓

漢儒近道仲舒一人過其故者犹下馬况先生程門
顏閔唱道東南特起於百世之下其至之日拜遺像
于學于舊廬又將訪求讀書之精舍茲又與其僚暨
先生之孫曾鄉之大夫士拜于松檟嗚呼道公一世
繼先生之書家藏人誦而此邑人士曰吾東家夫子也
其接舊聞也熟玩是書也專其發感必有深焉
者如是先生其舉斯堂

縣學安奉八先生祠

濂溪 明道 伊川 龜山

了齋 豫章 延平 晦庵

後孟子千四百年營道闡其端伊洛洪其源至武夷
而其教益宣脉絡其間者劔津之諸賢貞沈之作蓮
堯之錄靜一之數無非衍斯文之傳當全盛際見稱
於洛學者有矣道南之語獨在吾鏞川中興後歸然
特存所留以紹前啓後當歸之天叢爾邑而百世師
出焉是用推原其本統詮次其宗派祠學官而告虔
噫道一也山川如昨人物依然登斯堂者尚其勉旃
毋後日瞻遺像而誦遺編

告都官祖享亭成

曰莆甲族靈隱為冠惟公支派居其太半景德甲科
慶曆即闡發源浩渺流衍固宜騎鯨仙遊將三甲子
宰木参天山川雄峙中更重和安祀建亭百有餘年
廩焉欲傾撤而新之屋拆椽換重揭華扁品采社觀
漕翔一鶚里貢三賓合戰南宮作者七人敢告亭成
造與捷會蕪揮先業勇氣百倍簪紳濟々羅拜松阡
六代孫枝咸在目前袒德厖深先靈發越相爾後人
固無窮歌毋斷書種毋泰家聲審能如是九原用歎

聚族告都官福平二祖

吾祖以學起家每詔若御若漕不絕書而試于曹者
有時今合國胄之秀通榜儉於百而聲律之首經之

亞崢嶸其間則金紫祖之後十不啻以遠方枕衡上

國遂為朝紳之冠都官祖之後居其七福平祖之後

又七之四曰大珪曰大鈞曰辰孫曰演孫皆新國子

進士福平種德尤厚來者襲慶決科自紹興之庚辰

十八年而為淳熙之戊戌又六年而為甲辰則稍密

矣又二十二年而為開禧之乙丑則稍疎矣中間之

踈尤甚三十年為一世彈冠于朝觀光于國既鳩曹
之英又將集御典漕之奇群湊翕聚蘭省楓庭聯翩
策名則今之密足補前之踈矣某綴班有守俾茅瑄
聚族以告惟吾祖考克相其成

仁山告后土

南城十里看山曰仁局勢雄偉環合秀明昔者何為
秘藏我春問之鄰老野燒呈形前此清晝如聞鉦聲
或時異光炤于郊垌厥有識者來獻山經自乾癸祖
向丙坐壬內外位置合卦與星去冬破土巨石塞門

今冬出壙又如盤根幾難着力霄禱而神若或相之
可移可平歎土五色又如金凝燥溫堅密允矣佳城
昔墓先君其里佳城曰溫子玉圖識足憑今茲有告
暗合默徵其書云展翼大鵬安穴于項金甌前橫雷
如所言將相公卿姑寘勿言既葬宜人苟藏者固斯
存者寧呵護保佑多謝山靈

種德新庵拜福平長者祠

維公生于治平歿于紹興積善好施以長者稱楓嶺
之秀方陂之清尤於其間若有宿因下為倉宇上下

佳城創庵嶺巔買田贍僧屋後有山種松采薪采者
憇飲毋渴于行故老相傳記其平生每策驢出野服
幅巾長者至矣歡喜出迎發廩捐金醫疾賑貧造橋
砌路遺跡不湮餘二甲子屋老而傾振而起之豈非
後人自唐長史暨于幙賓六世替後紹者彬也公與
其父獨若隱淪耕耨口口大培厥根種德之報不在
其身甫一傳後聯翩策名五世其昌蓄久發宏艾軒
詩在家法宗盟後裔謹之毋替其承相攸庵址穆東
新以引以翼有門有亭幢：往來讚嘆同聲庵故

有祠楹楠告成孫校羅紆洵吉安靈遺愛在人宛其
儀刑掬水寒泉千年之春

漕建縣靈隱長官金紫墳

人之生原於天本於祖雖藐然之身邈而推之第
相承崇末不與開闢俱至于今吾家所可推者長史
中丞迭顯于唐金紫繼之三製閩邑遂家於莆以長
官稱葬靈隱山以子貴六子皆仕有又傳而十七孫
有撥本朝科級者又傳而孫曾四十二有特設臺躋
即省典眉山蘇公同時得首神道鉅笔而靈隱之名

益著又十餘傳策太常第者將六十□□蟬聯書種
如菽粟殆不可量數矣蓋經世運更改而封崇典祭
田相繫而存自唐以來未有靈隱之盛雖城一舍歷
年^餘三百展省于一日可以言盛然陪祀有限命士有
終身不一至焉亦先世討論未盡有待於後人之釐
正者凡持青囊經來者皆曰此蕭第一穴也而為其
孫子未嘗一識可乎某襲餘慶叨兩省其辱也僅能
拜薦福之祠茲將隆^旨領郊部而儒良兄遠懷雷陽
太守符以歸遂侍長上帥子茅合衣冠而羅拜焉願

瞻松檟想像當時俛焉思慨焉慕知受生之有本願
垂福於無窮有兩祖妣林夫人在陳坑陳夫人在瀨
溪屬迫行未能至墓下當俟他日菟焉有知其來配
食

辭方廣祀部及諸墳

某既拜命之旬日從吏數輩至典雷陽史君兄孺良
從長上帥子弟謁靈隱山金紫公坟下又三日謁方
廣山山以方名舊矣儀曹公來宅九跳之正脉面勢
宏濶從而附者五代此某之宗孤也每代之中昭穆

相送凡四十餘周官族墳墓之說呂氏深有取焉此
山宜與娶之明招等祭亭中祀寶口間高安別業叔
祖始創新之於是拜跪飲餞有所矣尤可喜者聚族
亦然烏石山前連薨接棟無一散去者孫枝最蕃登
桂籍將六十儀曹房不啻半為金紫六房之口靈隱
省占山川之勝方廣接之尤有力殆與種德之功相
稱諸公有待鄉者某始漕于此父老有喜色况上世
松楸乎先靈森布其交奉此觴其陰有以相之俾無
負父老之望

辭曾祖栢巖宣義墳

嘗讀元祐七年十二月詔內翰奏既郊見之夕景氣
清霽福應智谷都人歡呼謂前未見宣付史館此本
朝極盛時也而栢巖公生於其月之八日又二十一
日而太孺人生宜作之合家道日昌教二子以書縣
丞入仕和劑擢築栢巖已不及見太孺人膺初封享
上壽而承重者孫身每見先君大夫具言二父揚顯
之志未遂若有望於其後者某頃登西省以言事去
茲趨臨鄉部其敢為門戶羞告別墓下尚祈陰相

辭祖南瀚和劑墳

長者之後以詩書發身自大父始以大父之講貫該博三十九乃收科僅年餘不克享若某之樸訥迂滯餘二十續世科最鈍矣犹侍玉皇香案既退矣又持漕節按鄉部種於前而獲於後不在其身在其孫大父所未及為者豈徒官職云哉發揚先志俾母為門戶羞為父老羞其尚克陰相之

燎黃

癸巳考贈通直

某等幼學壯仕中年通籍親顏有喜庶幾封渥典年俱高曾謂前日之封遂謂後日之贈乎乃庚寅季秋明禋大費凡宜升于朝者皆得追榮其親某以皇考為請明年春^語南至皇妣又棄諸孤某等抱痛無窮重以稽留詔命為懼茲既即吉敬燎黃墓下俛焉想慕音容如昨泉壤生光自今日始曷報君親教忠訓在

甲午考贈朝奉

往嘉泰壬戌先君携二子入京試不偶開禧乙丑又

携以試禮闈既偕仕以親年譜初封覃慶再封合請也自是必陞朝乃得請封典贈各一某請也皇上頒祭澤之四某乃得典弟某合辭以請稍酬疇昔並携之意非幸歟贈之秩以二合則三之非又幸歟先君壽踰希歲及今存猶東冒不使其等捧觴堂上而燎黃墓下非恨歟五六年趨調者再三十年前趨試者再兄弟皆同昔侍先君而同今以免喪而同感念嗚咽非又恨歟某留綴朝武某歸需邑次併告以謝忠孝能相勉不沒其親之名則不後拜君之賜庶幾幸

者侈而恨者塞

丙申考贈朝請即告廟

某嘉定乙亥侍先君入修門既釋闕將行先君慨然曰吾能復入此乎某知先君志之有在也前春登班感念斯言茲以遺補執事合宮導引齋恪既霑澤以贈典請可謂榮矣追念二十年前語益用愴感恭封在遠尚阻告焚先白于廟伏惟尚饗

戊戌告墓

前秋之季綴班行明禮祀成考妣加贈蓋嘗白于

廟遐瞻松楸可外未遂遽以言去罪大責輕幾無以見墓下上恩深厚裨以真祠遂得躬行三獻之儀敬燎兩通之告考妣其嘉饗之

庚子考贈朝散大夫

國家肆頒祭澤許臣子追榮其親者中外無間先君三封五贈而為大夫去秋之請猶奉祠日也告第甫至適有鄉漕之命迺從儀物足以將事於是茶奉告命敬燎墓下人以為丘隧之榮獨念忠惠蔡公以便二親為此官以悅民者悅其親其亦人子也曷報罔

極之德將以二十一日昧印即行敢在咨諏敢不究厥心以無忝于前修無負于先訓

壬寅考贈奉直大夫妣贈恭人

先君篤愛周氣慶元丙辰張別駕赴潮女兄邀以俱至則女弟以薛南海訃聞冒炎暑取孀幼先妣聞之驚語諸子得深母入否既出嶺先君曰誼不得止也後四十六年春不肖孤蒙恩移鎮感慨舊踐口甚不獲以帥守祿養乃季秋祭澤行先君登六品之正先妣陞八號之禮君寵與親恩俱隆敢不益思所以報

者用先告于行廟而燎黃則有待焉

亡室贈恭人

典君同甘苦游州縣歷班行甫三封下世其二年某使閩又二年鎮廣皆奉主以行明裡霽澤由宜而恭豈不足敬慶非封而贈可為永懷婦人送夫爵此贈之始也贈賤爵陞有以如君之素志敢先告于廟

演受將仕郎告廟

孫具位茲以子被受將仕郎告命敢昭告于家廟先世入本朝以儒起家延賞最盛自諫議始殿後班

有之福平長者種德尤厚代收科級而上封下延乃自其始積善之慶自此流衍教忠之訓毋敢失墜謹以酒果用伸虔告

演受將仕郎告亡室

夫其位茲以子被受將仕郎告命敬告于亡室宜人贈恭人林氏十娘追惟平生鍾愛一子策名仕版於此權輿使及見之豈不憫意慈訓如在俾奉周旋謹以酒果用伸虔告

西山玉隆宮祈雨

鍾陵千里之地時乃愆陽玉隆萬壽之宮邦家司命
素稱妙濟敬控危衷臣再至南昌遙逢東作雖社節
播種幸得雨之應期然土脈久乾甫逾旬而告病饒
羽流而演法憑仙力以籲天伏願連日為霖俾前功
之不廢成雲荷鍾幸幸歲之可期

袁州行司祈雨

秋陽久暴驚赤地之如焚晚稼垂枯籲蒼天而有請
蓋高非遠大叫祈憐伏念臣所部十一州維時七八
月綠雲變稿嗟三農望霓之可傷白露過期更數日

不雨則難救民病死亟吏責奚逃陳菲薦于公堂控
危衷于大造伏願鑒其迫切錫以滂沱轉旱歲為三
登使禾盡起首吾民得一飽轉粟何憂

謝雨送許真君

大老三辰之次亢旱如焚玉隆萬壽之居為民司命
屈臨公宇期需甘露望膚寸以難成詞再三而欲竭
心乎默禱屏祝史以無庸人所弗聞荷高真之垂聽
陰雲俄合膏澤霽霽非薄德所能感通蓋此邦自豪
矜惻仙歸漸遠物望未休仰止西山馳精神而俱到

暨于南畝願優渥之無遺

謝雨送聖水

以風雨名池而龍實神之此非池中物也必有以推其溥施之功而驗其變化之妙今茲秋陽為沴_農乞_雨下二勺之水當為弥天之澤曾謂少蘇枯槁亟歸壘湫而遽止乎尚祈不啻其出不倦其施俾霈然霑足以溢農之望塞吏之懇_典毋負池之名與龍之實

城下龍王廟

自去秋迄今龍澤之潛久矣土人以社節為播種之

始是日雷雨大作奮躍天衢必有妙于變化者種漸入土若繼此霑洽則不至再瀆神聽今乃土猶潤而烈日燥之雲欲合而翔風散之方欲雨未雨之時儻振其蟄而神其化則一呼吸頃四澤皆滿農用之不竭也吏典民望神之切如此神其克惠相之

戊子詔合屬祈福

魁星堂

啟運聚奎文明之象咸平龍首著為圖狀有赫光芒
久臨莆壤靈祠新安逢接宗仰即入職方甲科誰唱

大諫都官二祖振響自時厥後魁亞相望福平種德
五世昌其秋賦春闈多列前鞅猶有待者占人頭上
踏槐鏖戰叔侄輩行所期聯翩鼓勇西向羅拜英躔
庶其陰相

龍埔廟

聚族於神之境者我福平祖距今方五世甲子再周
而人物眎他姓為最稠非神在而何事神如父母敢
布其詳由一祖之身始傳而貢于鄉者四而中等者
一又三傳而貢者七中等視前倍之四傳而貢者甫

十而中第者甫一今試者彙可數而鄉評之所推者
亦欲東矣云慶一傳至五孫枝人物日以加多則科名宜
亦如之則當鳩合長少奮其銳氣聯翩策名以滿於宗
人之望以稱於福平所期來者之意伐鼓飲衆行後
神賜

籍桂堂

科名夙定神物司之祠宇肇新士勇倍甚合吾甫而
通籍幾及十人數靈之一枝餘五十輩是亦盛矣猶
有望焉其年滋出福平聚居壘壘勇赴龍飛之會須

繇薦鶚而什黜衣朱之頭尚祈陰助開黃榜之墨共
續世科

青詞

將樂上元祈福

千室之邑為宰甫爾臨民一年之計在春茲為祈福
吉蠲公宇寅叩高穹今伏念臣某材實非長驟各曰
樂雖窈庭闈之養所期田里之蘇諭獲俗以無爭念
疲氓之欲逸撫字劬殫於心力順浚全仰于天時百
穀阜蕃享耕耨歛藏之利三鄉輯睦無水火疾癘之

災

為母太安人保安

小人有母不勝喜懼之情大德曰生敢覲和平之福
敬殫誠赤竹荅圖清伏念臣母甫踰希歲之三曾忝
命封之一夙懷淡志素蔬之日居多晚失齊眉涕淚
之痕猶在行將服改犹恐運奇屬者元正禱于洪造
晚景曲蒙於庇祐謝忱敢浚于潔蠲伏願俯憐丹衷
草去宿蹇老軀長健更祈爰筭之增祿養未忘早遂
兩兒之願

伯四一致政保安

人情莫不欲壽善願而同天德之大曰生老身何幸
實踰素望敬瀝丹衷伏念臣某紹興遺民寶慶初命
女累多而偶皆得配男息晚而今亦抱孫得延殘齡
遂見今日錄曾祖再傳之後非不衆多聞高年八袞
之祥獨自臣始步行未至於扶杖自力猶能於細書
何德以堪知恩所自茲緣誕日仰答高穹伏祈仁慈
更畀耆健力行好事付兩兒以家故之傳繼今餘生
微一日非造物之賜

新居設醮

半生辛若幸有此屋上帝陰隲克相攸居伏念臣某
弟兄相勗以起家志慮豈遑於問舍緣祖廬之團聚
無所棲蹤奉父命以經營皆依序族實始念之未到
由洪造之曲成勉力所難姑先堂宇與工之頃恐動
方隅特以爰居敢忘昭謝願同家室長承孟母之歡
更冀子孫益大于門之慶

永福上元祈福

百里之民繫命自愧非才一年之計在春喜逢錫福

吉蠲公宇寅叩高穹伏念臣某猥試窮山未當荒歲
飢民垂盡而復活鄰歿存迫而無虞匪曰人謀茲皆
天幸歲華更始物意向蘇念蓋藏之不多凜艱食之
為慮必舳舻遠湊以寬春夏貴糴之急庶玉烛時和
以成秋冬土熟之期是則四民安泰百變消弭全賴
高真之垂佑敬因菲薦以控陳拙令微誠乞遂邑人
之願小臣深念更期國祚寧庶使^之遐邇均蒙庇福

六十芽薦父黃籙

身嬰降割可勝失父之悲教許進亡敢控籲天之痛

伏念臣父某嘗叨封命亦享高齡備歷門戶之艱多
償兒女之債八十二年之塵世寧免愆尤五千餘言
之科文曲垂極按訴蒼昊而上激真盼蟹以能通道
力恢弘招游魂於既散精靈不昧認故宇以來歸

選姪薦父黃籙

非角固知傷哉無父叩頭有請痛甚籲天瀕瀝早悼
仰嬰穹聽伏念臣父至愚且拙惟勤與儉暗室自持
鮮踏城闈之迹老疇稍闢克推父祖之心每言口口
之歲遲猶覩處身之晚佚詎期一疾遂棄二孤大德

莫酬於百年冲科敬演於三日伏願上蒼鑒降列聖
垂慈憫浮障之多艱悉泯蠲祿存靈臺之一點俾遂
逍遙


廳事成設醮

君恩未報奚敢顧家艾志不忘用成作室計數椽之
始造逾一紀而僅全茲豈人為端由天賜伏念臣某
自知材下幸接餘慶堂寢所以庇身居先所急廳事
所以會族力未之能製邑再試而日不多登朝八
而祿僅給輒因閑日欲續前功未免借貸為之其歷

辛勤甚矣吉蠲新宇仰答洪恩伏願高穹垂仁列聖
昭鑒

天... 文... 卷... 第... 一...

井... 卷... 第... 一... 卷... 第... 一...



先... 卷... 第... 一...

